

中華民國八年五月

大  
中  
學  
京  
師  
地  
理  
志

吉林宋小濂署

至聖紀元二千四百七十年  
大中華民國八年  
八月八日初版

九  
八  
日  
收  
到

所有著作權

(大中華京師地理誌)  
(定價大洋二元)

著者 閩侯林傳甲

校讀者 姪家元 家貞 子家華

編輯所 京師中國地學會

印刷所 中華印刷局

京師楊梅竹斜街  
電話南局一六七三

代售處

商務印書館  
琉璃廠路北

# 大中華京師地理志序

我中華地理志以尙書禹貢爲最古。後之言地學者莫能外焉。禹貢之志九州也。從冀州始。冀州者唐虞時京師所在也。今日我中華京師亦在冀州。故吾友林子傳甲之大中華地理志亦以京師爲首。蓋尙書之教然也。豈特尙書卽春秋亦何莫不然。春秋之義內其國而外諸夏。內諸夏而外夷狄。故假魯以爲京師而託王於魯。此尊本正始之義也。又非惟尙書春秋爲然也。卽詩經亦有之。詩之國風列國十五。而周召二南獨冠蕭首。蓋豐鎬京師之地。文王后妃之化存焉。此孔教大義也。林君服膺孔教。嘗曰。吾以孔教會爲天地學會。爲地將終身於是焉。而無所逃於天地之間。故四年以來。周游南北。日以編纂大中華地理志爲事。言必稱孔教。江浙贛皖鄂閩各志。旣先後告成。遂返京編京師志。將以弁諸各省志之首。書成命煥章序之。煥章不文。不足以發揚碩學。惟鑒於近日學校廢經之弊。謹舉經義以爲言。且怵於藩鎮割據之禍。復取六經中尊重京師之義以爲說。以見孔教之大無所不包。而經義之精足以經世。其亦林子尊孔尊經之意也。歟。嗚呼。我中華其果能成大一統之局乎。視京師之力之加於諸夏何如也。

我京師其果能統一諸夏乎。視京師之尊孔尊經何如也。願我政府我國民其自決之。至聖先師二千四百七十年七月四日。即中華民國八年七月三十日。高要陳煥章謹序於京師孔教總會。

閩侯林先生奎騰博學廣聞。箸作徧海內。向發宏願。欲成大中華各省各縣地理志。廿稔以還。游蹤將徧全國。蘇、浙、贛、皖、閩、各省志已出版矣。鄂、魯、湘、豫亦編輯過半。堅毅宏博。殊深欽佩。蔡今春就山西大學教職。亦欲成山西省地理志。因以凡例就商。適先生京師地理志成。屬序於蔡。蔡不文。何以叙。雖然。固有感矣。政變以來。學校林立。凡諸適用教科。莫不譯自東籍者。在科學後進之國。固屬通例。然未聞本國地理歷史亦取材外籍者。文化凌夷。滋可慨焉。即如大中華地理志。廿年以前。早應有此作矣。然遲遲至今。日本之支那省別地誌。已出十餘冊。而國內學子。復鶼夢未醒。瞻顧徘徊。倘仍自命爲世界一分子者。寧不愧也。耶。林先生各志體例。均詳自序中。唯京師一編。異於他省。即作指南觀之。亦無不可。至其考察精細。材料弘富。閱者自知之。無庸不佞贅述也。

大中華民國八年八月一日陽原李泰蔡謹序於中華印刷局

## 大中華京師地理志序

有志者事竟成。凡古今聖賢豪傑。垂名建業。必先立志。功未成時。世人莫許也。顧亭林顧景范兩先生。著郡國利病書。方輿紀要。未聞有繼起者。閩侯碩學通儒林子奎騰淹博國學。舉三十年來精神資力。實地調查。子身負軼。用之於著述。仲仁夙慕林子名。相見於地學會。林子宣言中國人之中國。宜自中國人知中國。爲始。坊本中華地理全誌。尙須譯自東瀛。及東鄰支那省別地志出版。有謀譯之者。仲仁與林子。皆引爲大恥。爰于五年五月。商之中國地學會張蔚西會長。擬纂大中華地理志。以地學會爲編輯總機關。由中華書局。釀資購稿。匯其大全。是時仲仁方主任地學雜誌編輯。復徵意見於章子厥生。海內贊同。國會提倡。承輯各省縣分志者。爭先題名。刊登雜誌。嗣中華書局虧累。購稿之議暫寢。國事蠲蟻。纂分志者。無幾。林子以此身不死。則此志不磨。乃扶病而起。馳驅易水。爲之先導。是時林子失意滿蒙。病中惟仲仁慰之。及登泰山。而南。文旌所指。大吏歡迎。學生爭以聞。一講演。爲快。先聲奪人也。遂矢志。凡未成省志。均自任編輯。不底於成不止。甫閱一年。而浙蘇贛皖各省志。乃皆一手告成。福建省志。亦由介弟

傳濤分纂印成。林子眷屬尙滯武昌。亦因湖北志尙未出版。是以遲遲也。著述家自任之重如此。直隸省志亦由友人蘇少衡分纂。於國慶時脫稿。噫。林子之志亦良善矣。將見人心曰奮。續成各省志。將後先接踵。而大中華地理志。璨然合璧。萃爲大觀。豈不懿歟。林子于今年春。由武漢來都。同人僉謂京師志不可不早成。非林子則不能成。林子乃因公餘馳驅二十區。遠及四郊。市諷巷採。日不遑處。凡四匝月。居然成書。鴻編鉅製。偉矣奇矣。是書出。人人有尊重國都之念。即人人有保存國土之心。謂京師地理志關係我中華民國存亡可也。溯自民國五年五月五日。林子著察哈爾鄉土志告成。六年六月六日。而大中華易縣志告成。七年七月七日。而大中華浙江志印成。今八年八月八日。京師地理志又觀厥成。林子之志必成。若有數存焉。林子一日不講學。不著書。則病弱不起。一登台。一執筆。則精神頓發。少壯之士莫能及焉。著述之功。若與天地造化合者。仲仁素潛心地學。茲以病弱未贊襄毫末。臥病逆旅。惟林子驅車訪問。情誼周至。書成囑序。自維謏陋。所纂滄縣地理志未成。益慙悚。惟以列名發起。義弗容辭。爰述顛末。以告同志。幸各奮起。共集大成。大中華民國幸甚。滄縣劉仲仁謹撰。

序

余友林子奎騰。五七之後。令堂林下老人。在龍江殉國。林子遂銜恤去職。淡心利祿。日含膽以說當道。夜臥薪以開滿蒙。每孤燈對話。輒以中國人多。不知中國爲大恨。昔講主大學。編中國文學史。及中國地理文學史。風行中外。而地理講義未刊。林子從事全國志。實自茲始。卅年來。飽經烟瘴冰雪。桴海蝦夷。益自刻勵。近三年始發起斯志。篋中一統舊圖。丹黃已徧。續方輿紀要。按省分編。則他人所未見也。苟非積卅年學力。安能有此。然作始維艱。手赤眼白。更滋疑懼。及講學易堂一年。始成易縣地理志。是爲林子著地理志之始。東游膠濟半年。山東志猶未成也。上年苦盡甘來。皖浙蘇贛諸省志。皆三月而成。閩志已刊於閩。鄂志亦將刊於鄂。燕齊豫晉次第起草。余與旅京老友函促林子北歸。編京師志。京師萃天下人才。能知京師者幾人。豪貴奢靡。逾光宣十倍。皆士大夫有以開之。國亡民怨。亦不顧也。有一人能學而不厭。誨人不倦者乎。林子足跡經十五行省。著書逾三十餘種。有志竟成。用心良苦。閉戶則食墨三升。出門則挾書一部。侵晨即起。嚮晚方歸。到處諮詢。風雨無閒。不數月而京師志成。引纖雅俗。臚舉無遺。蓋

地理之變遷。非時時有人留心。則陳編但資考辨。不足以資實用也。書既成。徵序於余。余與林子相知最深。或能補他人所未知。今海內知林子者。莫不謂成於母教。言之誠是矣。抑知林子六歲。父麗生公卒於應山典史任所。託孤於耆儒洪乾四先生。萬貞讀書於錫善堂者十二年。淹貫經史而後出山。洪氏學說曰。成器雖一日一月一年之事。必有結束一章一篇一冊之書。必有結構。今林子大器晚成。當年燈影機聲。母儀傳訓。內外兼資。養正之功。豈淺鮮哉。應隣吾邑。祇隔一山。聞之詳。故能言之切。且聞其曾祖杏圃公。蓄田訓導也。七上公車。不涉足櫻桃斜街一步。獨能超出塵俗。留京教習。月二金。用之裕如。其祖劍秋公。任成都通判。從駱文忠平石達開。厥功甚偉。兩宰監源。土司畏服。斯時蜀道艱難。行旅多梗。其父萬里尋親。跋涉深山。遇猛虎。以石火燃雨傘驅之。而虎遁。人以爲純孝之徵。在蜀七戰皆捷。積功僅叙末職。當日名器重也。積之久者。發之皇。徵而益信。余知林子未第時。在鄂即刊代徵積淺釋。爲時務學堂課本。今太學生猶讀其徵積集證。謂前古疇人所未發。不惟湘鄂人士。震其步算之名。余旣欽林子學業之博厚。又深知林子不因境遇而改其初志也。常云。京師志各省縣志。皆徵分也。大



中華地理志其積分也。京師志其微分之求積分者乎。序既成有友慨然曰。今日者上無道揆。下無法守。行見火炎琨岡。玉石俱焚。徒沾沾於著述之林。亦奚補哉。余曰。否。否。千鈞之髮。繫於我輩。一息尙存。此志不容稍懈。余愧無撥亂反正之才。以挽茲頽風。啓曠振聾。能不期諸林子乎。友人又曰。林子孤兒也。寒士也。拓殖塞外。始有田廬。捐入貧民教育。至今猶作貧兒教員。何從得許多印刷費乎。余曰。林子節省嫖賭菸酒應酬無益之費。以爲之。且節省嫖賭菸酒應酬無益之光陰。以爲之。教成於家。妻妾皆爲之助。以實施滿蒙教育。上海黑幕著述家。亦感其夫婦道德。改業爲家庭萬寶書。信用著於全國。豫約決不誤期。如有梗阻。則紆其途而達焉。余觀籌筆軒讀書日記。林子固武漢一美少年。此次回京。僂僂長髯。老將至矣。林子猶終日挾冊握管。雖盛暑不肯揮扇。或憫其艱卓。或笑其守拙。林子則曰。課有常。不顧他人之憫笑也。京師要人。知林子者多。林子未嘗一往投刺。獨眷念兒時釣游之鄉。布衣之交。相與修德講學焉。余日記亦無閒。惟致力於詩。林子之書。曾與編校。謹述其顛末。以告讀林子之書者。己未大暑。孝感鄧鼓翔敬序。

大中華地理志未出版各省區狀況

中華民國皆得調查分纂修正未出版各省區關係尤重匹夫各有責也

京兆 京兆尹王公京兆教育會李會長師範劉校長中學王校長自治課張鑒清

贊成計日程功各縣正修正新圖中學生暑假正在調查

直隸 省議員蘇莘地學名家教授津保門生徧全省已調查四閱月愼之又愼國

慶日應可與京兆志同時出版

湖北 原擬在福建之前出版因傳甲離武昌時交中華大學阮學長麟運復校修

正當可爲今年國慶紀念

湖南 派學生劉某分編頽惰無成即嚴加教訓改派礦學士龍承燦切實調查地

質力求實用

河南 內弟祝少仲分纂得教育吳廳長暨省教育會時會長經訓贊助通行各縣

襄助較易著手

山東 前年調查失之過詳各縣不能一致半年無功弱女德育彙成初稿缺文尙

多仍待修訂年內必當補正

山西 宗聖會柯璜調查既久大學李泰棻分編年內出版

## 大中華京師地理志自序

大中華地理志。甲編分京師、京兆、二十二省。各特別區。青海、蒙藏。共三十二冊。乙編分一千八百四十四縣。各一冊。京省區爲中學教科。縣爲小學教科。此傳甲民國五年。合中國地學會同人所發起。期以十年而必成者也。顧亭林言。合天下之私。以成天下之公。此今日國體之共和。至聖垂教。所以集大成者。其在斯乎。昔無恒。勉自勵。十八年日記。無一日之閒。游黑龍江、察哈爾。刊行鄉土志。三至京師。商榷志例。傳治、薊同年許其必成。又游直隸成、易縣志。印於地學雜誌。無錫侯鴻鑑。南通嚴儼然。乃同聲相應於大江南北。信乎一縣有一人。可成一縣志也。稅駕齊魯。生徒四百。殷殷問業。分縣編纂。余撰山東各縣地理志序。百有七篇。登泰山。謁孔林。外交方棘。馳驅膠濟道中十五次。著青島游記。建議設坊子縣。築煙濰路。不見用。每日講演。聽者踰千五百人。勸華工八十萬。加入協商國。蓋大中華對德奧宣戰後。自請躬赴前敵者。只傳甲一人。通電全國。南北無一師一旅敢言戰者。遂駕言出游。以寫我憂。上年在安慶三月。而安徽志成。在西湖三月。而浙江志成。游大江南北三月。而江蘇志成。居南昌三月。而江西志成。江浙贛

各在本省刊行。皖志先成。老友黃雋珊省長遽逝。閣置經年。今在京亦出版矣。春初在武漢。修祖父墓。居三月而湖北志成。交武昌中華大學校印。故鄉福建志稿。常在行篋。旅次江西。遇傳濤弟日抄萬字。不逾月而成。携歸就正於鄉老。今亦修正排印。適中國地學會十年紀念。京師志不容再緩。乃回京整理舊稿。謁京師警察廳吳總監。以安徽志呈政。得周遊二十區。凡京師之陋巷無不至。以謀貧兒之教育。萬日具瞻。莫敢或懈。凡百餘日。京師志成。傳甲以匹夫之責。求天下利病。自信中國不亡。我不死。全國地理志必告成也。此志成中國必不亡也。直隸省議會蘇莘。河南教育廳長吳鼎昌。分纂調查。將繼此而成書焉。迴溯十六年前。教授京師大學。見日本教員服部宇之吉。坂本健一。纂北京志。亦數月而成。今倭人著支那省別地志十八冊。滿洲蒙古等志。遇事留心。彼知我而我不自知。國人日驚空談遊戲。放棄良好光陰。是自亡也。救國之道無他。勤學好問而已。舍業以嬉。國之蠹也。傳甲周游南北。知人心尙未盡死。恫京師民俗游惰。爰以早起躬勵諸生。貧兒皆奮。助成此志。博雅魁碩。幸賜教焉。民國八年七月一日閩

翰林傳甲自序。

## 大中華京師地理志編輯大意

一是編分二十四篇。共一百六十章。與各省地理志相同。適合於中學師範甲種實業教科。可備大學專門研究。每章有總挈大綱一節。弁於前。可備高等小學誦習。

一是編由著者實地調查。并有及門五千餘人。調查全城。無微不至。博徵約取。足爲旅行指南。以備政界軍界紳界商界參考。并擬編京師街巷記。以課國民鄉土。

一是編崇尚實用主義。凡無益於教育科學智識之考辯瑣談。概不闌入。總以關係國家利病地方治安者爲最要。與前古文人。上海書賈。眼光不同。擬別編京師考古錄。以備掌故。

一是編例不載人物。擬別撰京師鄉賢傳。京師列女傳。暨京師博物志。京師風景畫。京師樂歌。共爲京師百科叢書。聯合同志。次第編纂。

一是編限於京汎四郊。此外別纂大中華京兆地理志。詳述京兆二十縣地理。與各省地理志一致。現正商承京兆尹會商京兆教育會。積極進行。繼續出版。

一是編會館章。兼及各省人民在京之職業。及各省土貨暢銷於京師者。因此編弁

冕羣編。必先挈全國之綱要。以重民生。詢之各省通人。乃見各省真象。

一是編天象。則親赴觀象臺觀測。地質則親赴地質研究所研究。京師雖設備未周。非毫無設備。願研實科者。注意農林工廠商品水利。著者願為嚮導。

一是編引用舊籍。如帝京景物畧。宸垣識畧。都市紀略。朝市僉載。天咫偶聞。及一統志。順天府志。方輿紀要。郡國利病書。必以切合於今日實用者為限。

一是編引用新書。如本會地學雜誌。政府教育農商各公報。觀象叢報。京師教育報。都市教育。市政通告。以及近人京華遊覽記。北京指南。新北京。交通紀實。書報繁多。商號一覽表。地方教育處所一覽。皆取最新者為準。

一是編據內務部職方司。實測京師地圖。四郊地圖。市政公所五色新圖。區域名稱。已多更變。擬另繪京師各區分圖。陸續出版。

一是編各區街巷胡同。分段詳列。為古書所無。新發明物質建築。亦古書所無。回教東正教狀況。亦古書所無。種族言語。亦古書所無。總之得於學古者十之三。得於見聞而好問者十之七。至政治頹敝。經濟艱困。教育根本。直言無隱。冀獻芻蕘焉。

# 大中華京師地理志目錄

第一篇 總論

第一章 名義

第二章 界說

第二篇 天象

第三章 天文

第四章 觀象

第五章 授時

第六章 經度

第七章 緯度

第八章 節令

第九章 測候

閩侯 林傳甲 奎雲 初纂

第十章 測繪

第三篇 山川

第十一章 地勢

第十二章 西山

第十三章 景山

第十四章 湖海

第十五章 河渠

第十六章 井泉

第十七章 地質

第四篇 建置

第十七章 城垣

第十八章 道路

第二十章 橋梁



第二十一章 公園

第二十二章 名蹟

第正篇 氣候

第二十三章 風向

第二十四章 雨雪量

第二十五章 溫度

第六篇 物產

第二十六章 礦物

第二十七章 植物

第二十八章 動物

第七篇 政治

第二十九章 國會

第三十章 總統府